

全

金

诗

全

金

詩

御訂全金詩增補中州集卷六十五

金元好問原本

元好問三

天門引

秦王宮中

一作深居

不得近從破衡成欲誰信白頭遊

客困咸陽顙額黃金百斤盡海中仙人黃鶴

一作鶻

全金詩卷六十五
舉大笑人間爭腐鼠丈夫何意作蘇秦六印才堪
警兒女古來多爲虛名老不見阿房淨如埽千年
虎豹守天門一日牛羊臥秋草

蛟龍引

古劍咸陽墓中得抉開青雲見白日蛟龍地底氣
如虹土花千年不敢蝕洪鑪烈焰初騰精橫海已
覺無長鯨世上元無倚天手匣中誰解不平鳴割
城恨不逢相如行酒恨不逢朱虛尚方未入朱雲

請盟盤合與毛生俱誰念田文坐中客只將彈鋏
歎無魚

湘夫人詠

木蘭芙蓉滿芳洲白雲飛來北渚游千秋萬歲帝
鄉遠雲來雲去空悠悠秋風秋月沉江渡波上寒
煙引輕素九疑山高猿夜嘯竹枝無聲墮殘露

孤劒詠

鬱鬱重鬱鬱夜半長太息吟成孤劒詠門外山鬼

泣清霜稜稜風入骨殘月耿耿燈映壁君不見一
飢縛壯士僵臥時自惜黃鵠一舉摩蒼天時念樊
籠束修翼

渚蓮怨

阿溪何許來素面浣風雨寂寞煙中覓依依欲誰
語

芳華怨

娃兒十八嬌可憐亭亭裊裊春風前天上仙人玉

爲骨人間畫工畫不出小小油壁車軋軋出東華
金縷盤雙帶雲裾踏鴈沙一片朝雲不成雨被風
吹去落誰家少年豈無恩澤侯金鞍繡帽亦風流
不然典取鸛鵲裘四壁相如堪白頭金谷樓臺悄
無主燕子不來花著雨只知環珮作離聲誰向琵琶
得私語無情鵲鵲翡翠兒有情蜂雄蛺蝶雌勸
君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破
來一千日寂寞菱花仍半邊白沙漫漫車轆轤
鷄絃中杜鵑哭塞門顛顚人不知枉爲珠娘怨金
谷樂府初唱娃兒行彈棋局平心不平只今雄蜂
雌蝶兩不灰老眼天公如有情白玉搔頭綠雲髮
玫瑰面脂透肉滑春風著人無氣力不必相思解
銷骨洛花絕品姚家黃揚州銀紅一國香千圍萬
繞看不足雨打風吹空斷腸丹砂萬年藥金印九

人一作州督不及秦宮一生花裏活長門曉夕壽相

如儘著手金買消渴

結楊柳怨

長樂坡前一

一作百

杯酒鄭重行人結楊柳可憐楊

柳千萬枝

一作條

看看盡入行人手輕煙細雨綠相

和惱亂春風態度多路人愛是

一作此

風流樹無奈

朝攀莫折何朝攀莫折何時了不道行人暗中老

素衣今日洛陽塵白髮明朝塞城草柳色年年歲

歲青關人何事管離情春風誰向丁寧道折斷

一作

盡

長

一作柔
一作垂

條莫再生

秋風怨

碧瓦高梧響疎雨坐倚薰籠時獨語守宮一著灰

生休狗走雞飛莫爲女雲間簫鼓夜厭厭禁漏誰

將海水添一春門外羊車過又見秋風拂翠簾總

把丹青怨延壽不知猶有竹枝鹽

歸舟怨

渡頭楊柳青復青
閨中少婦動離情
只從問得征夫處
夜夜夢到洛陽城
南風吹櫓聲
北鴈鳴嚶嚶
江流望不極
相思春草生

征人怨

瀚海風煙埽易空
玉關歸路幾時東
塞垣可是秋

寒早一夜清霜入

一作滿

鏡中

塞上曲

平沙細草散羊牛
幾

一作一

簇征人在戍樓
忽見隴

金言卷六十五
五
頭新鴈過一時回首望南州

西樓曲

游絲落絮春漫漫西樓曉晴花作團樓中少婦弄
瑤瑟一曲未終坐長歎去年與郎西入關春風浩
蕩隨金鞍今年疋馬妾東還零落芙蓉秋水寒并
刀不翦東流水湘竹年年淚

一作露

痕紫海枯石爛

兩鴛鴦只合雙飛便雙成重城車馬紅塵起乾鵲
無端爲誰喜鏡中獨語人不知欲插花枝淚如洗

後平湖曲

越女顏如花吳兒潔如玉
天教竝牆居不著同被
宿美人一笑千黃金連城不博百年心樓上牆頭
無一物莫爨朝春一生足秋風拂羅裳秋水照紅
妝舉頭見郎至低頭采蓮房郎心只如菱刺短妾
意未覺藕絲長與郎期何許眼礙同舟女春波澹
澹無盡情雙星盈盈不得語十里平湖艇子遲岸
花汀草伴人歸鴛鴦驚起東西去惟有蜻蜓接翅

飛

長安少年行

黃衫少年如玉筆生長侯門人不識道逢豪客問
姓名袖把金鞭側身揖卧馳行橐錦帕蒙石榴壓
漿銀作筒八月蒼鷹一片雪五花驕馬四蹏風日
莫新豐原上獵三更歌舞灞橋東

黃金行

贈王飛伯

王郎少年詩境新氣象慘澹含古春筆頭仙語復

鬼語只有溫李無他人天公著詩貧子身子曾不
知乃自神人閒不買詩名用一片青衫衡霍重兒
貧女富母兩心何論同袍不同夢入門喚婦不下
機淚子垢面兒啼饑君詩只有貧女謠何曾夢見
金縷衣外家翁媼日有語嫁女書生徒爾爲昆陽
城下三更酒醉膽輪囷插星斗一夕一作昔詩腸老
蛟吼十尺長人墮車走斫頭不屈三萬言欲向何
門復低首何人壽我黃金千使君破鏡飛上天

隋故宮行

渭川楊柳先得春二月鸞唳百轉新長春宮中千
樹錦暖日晴雲思殺人君王半醉唱吳歌絳仙起
舞頰翠蛾吳兒謾說曾行樂三十六宮能幾多千
秋萬古金銀闕海沒三山一毫髮繁華夢覺人不
知留得寒螿泣秋月

解劍行

古劍黑於漆鬱鬱動星文摩挲二十年今日持贈

君長鯨鼓浪三山沒知君不是泥中物袖閒一卷
白猿書未分持刀買黃犢壯懷風雲鬱沈沈慚媿
漂母無千金長安侏儒飽欲歿萬古不解天公心
北風浩浩吹行客隴水無聲雪花白荆卿墓頭秋
草乾擊筑行歌欲誰識君不見秦相五穀皮去時
烹雞吹屢屢又不見敝裘蘇季子合從歸來叩纍
纍丈夫墮地自有萬里氣翕忽變化安能知大冠
如箕望吾子富貴同生亦同死